

№ 42

02. 07.

2019

საქართველოს ოკუპირებული ტერიტორიებიდან დევნილთა
შრომის, ჯანმრთელობისა და სოციალური დაცვის მინისტრის მოადგილეს,
თამარ გაბუნias

ქ-ნო თამარ,

მოგმართავთ საქართველოს არასამთავრობო საგანმანათლებლო ასოციაცია „ჰერა XXI“, რომელიც 1998 წლიდან უზრუნველყოფს სექსუალურ და რეპროდუქციულ ჯანმრთელობასა და უფლებებთან დაკავშირებულ საკითხებზე, ინფორმაციასა და სერვისებზე ხელმისაწვდომობას.

ორგანიზაციის ერთ-ერთ სტრატეგიულ მიმართულებას წარმოადგენს რეპროდუქციული ჯანმრთელობის სერვისებზე, გეოგრაფიული და ფინანსური ხელმისაწვდომობის გაუმჯობესება - ჯანდაცვის სისტემების, სერვისების ხარისხისა და ადამიანური რესურსების განვითარების მხარდაჭერით.

სექსუალური და რეპროდუქციული ჯანმრთელობის საკითხების სფეროში გათვალისწინებით, ვთვლით რომ პირველ რიგში აუცილებელია ჯანმრთელობის ხელშეწყობის, უწყვეტი ზრუნვის, დაავადების პრევენციის საკენ მიმართული მიდგომა და ყოვლისმომცველობა, რომელიც პირველადი ჯანდაცვის ერთ-ერთი მნიშვნელოვანი ფუნქციაა და მიმართულებაა.

იმისათვის, რომ გაიზარდოს, როგორც გეოგრაფიული ასევე ფინანსური ხელმისაწვდომობა, ორგანიზაციის საქმიანობა მიმართულია სექსუალური და რეპროდუქციული ჯანმრთელობის საკითხების/სერვისების პირველადი ჯანდაცვის რგოლის პრაქტიკაში ინტეგრირებაზე. სამი წლის განმავლობაში არაერთი აქტივობა განხორციელდა, რომელიც მიზნად ისახავდა პირველადი ჯანდაცვის რგოლში ადამიანური რესურსების განვითარების ხელშეწყობას, და ამ დონეზე არსებული რეპროდუქციული ჯანმრთელობის სერვისების არსებობის/ხელმისაწვდომობის შესწავლასა და შეფასებას.

ვთვლით, რომ ორგანიზაციის სტრატეგიული მიმართულება ხელს უწყობს ქვეყანაში მოქმედი არაერთი ჯანდაცვის პოლიტიკით, სტრატეგიული დოკუმენტებითა თუ სამოქმედო გეგმებით გათვალისწინებულ მთავარი მიმართულების შესრულებას - „პირველადი ჯანდაცვის რგოლის უპირატეს განვითარებას“.

მოგახსენებთ, რომ 2019 წელს, ასოციაცია მიზნად ისახავს ჯანდაცვის სფეროში კომპეტენტური და დარგის სპეციალისტების გაერთიანებას პირველადი ჯანდაცვის რგოლში სექსუალური და რეპროდუქციული ჯანმრთელობის სერვისების ინტეგრირების სტრატეგიების და მოდელის შემუშავების უზრუნველსაყოფად.

ვფიქრობთ, ამ მიმართულებით სამინისტროს ჩართულობა ხელს შეუწყობს არსებული რესურსების სწორ, მიზანმიმართულ გაერთიანებას და მიმდინარე პროცესის ეფექტურ/ ქმედით წარმართვას სისტემური ცვლილებებისთვის.

მოგმართავთ თხოვნით, აღნიშნულ საკითხებზე ურთიერთთანამშრომლობისა და პარტნიორობის შესაძლებლობების განხილვის მიზნით, დაგვინიშნოთ შეხვედრა.

პატივისცემით,

ნინო წულეისკირი

წულეისკირი